

2017 წლის 13 ნოემბერი

ჭიათურა

სხდომაზე დამსწრე პირები

საბჭოს წევრები:

გიორგი ნიკოლაძე - შპს „პროფინიუტი“-ს საზოგადოებრივი კოლეჯის დირექტორის მოადგილე - სხდომის
თავმჯდომარე;

მარინა ბედინაშვილი-სსიპ ჭიათურის N2 საჯარო სკოლის პედაგოგი-წევრი;

ნანული წერეთელი- წმინდა ანდრია პირველწოდებულის ჭიათურის მართლმადიდებლური სკოლის
დირექტორი- წევრი;

არჩილ ხვედელიძე-სიიპ ჭიათურის აკაკი წერეთლის სახელობის სახელმწიფო დრამატული თეატრის
მსახიობი- წევრი;

დავით ბიწაძე- შპს „ჯეოპოსპიტალის“ ჭიათურის მრავალპროფილური სამედიცინო ცენტრის უფროსი ექიმი-
წევრი;

მერაბ ჩინჩალაძე-შპს ჭიათრმანგანუმის მაღარო ახალი ითხვისის ზეინკალი -წევრი

მერიის წარმომადგენლები:

პაატა ნადირაძე-ჭიათურის მუნიციპალიტეტის მერი;

მიხეილ ქოივა-საფინანსო - საბიუჯეტო და შესყიდვების სამსახურის პირველი რანგის პირველადი
სტრუქტურული ერთეულის ხელმძღვანელი;

მირიან მაჭარაშვილი-საფინანსო-საბიუჯეტო უზრუნველყოფისა და სახაზინო განყოფილების მე-2 რანგის მე-
2 სტრუქტურული ერთეულის უფროსი;

ლაშა გოცაძე-ინფრასტრუქტურისა და ტერიტორიის კეთილმოწყობის სამსახურის პირველი რანგის
პირველადი სტრუქტურული ერთეულის ხელმძღვანელი;

გიორგი ბიწაძე-ეკონომიკური განვითარების, სტატისტიკისა და მუნიციპალური ქონების მართვის
სამსახურის პირველი რანგის პირველადი სტრუქტურული ერთეულის ხელმძღვანელი;

ვლადიმერ სამხარაძე-ჯანმრთელობისა და სოციალური დაცვის სამსახურის პირველი რანგის პირველადი
სტრუქტურული ერთეულის ხელმძღვანელი;

თეონა სხირტლაძე-სპორტისა და ახალგაზრდულ საქმეთა განყოფილების მე-2 რანგის მე-2 სტრუქტურული
ერთეულის უფროსი;

თამუნა ბუზალაძე-იურიდიული განყოფილების მე-2 რანგის მე-2 სტრუქტურული ერთეულის უფროსი;

მარიამ ხვედელიძე-ადმინისტრაციული სამსახურის მე-3 რანგის, მე-2 კატეგორიის უფროსი სპეციალისტი
საზოგადოებასთან ურთიერთობის საკითხებში;

გიორგი კურტანიძე-ადმინისტრაციული სამსახურის ვებ-მენეჯერი, ხელშეკრულებით განსაზღვრულ
პოზიცია;

ტელევიზია „იმერვიზია“-ს წარმომადგენლები;

დღის წესრიგი

1. „ჭიათურის მუნიციპალიტეტის მერიის 2018 წლის ბიუჯეტის პროექტი“-ს წარდგენა ჭიათურის
მუნიციპალიტეტის მერის სათათბირო ორგანოს სამოქალაქო მრჩეველთა საბჭოს წევრებისათვის.

(შენიშვნა: ვინაიდან 13 ნოემბერი მერის უფლებამოსილების შესრულების პირველი დღე იყო და დროის სიმცირის გამო ვერ მოხერხდა მერის მრჩეველთა ახალი საბჭოს დამტკიცება პროექტის წარდგენა მოხდა გამგებლის მრჩეველთა საბჭოს წევრებთან)

მომხსენებელი -პაატა ნადირაძე

მიხეილ ქოიავა

2. სხვა მნიშვნელოვანი საკითხები.

ჭიათურის მერმა პაატა ნადირაძემ საბჭოს წევრებს გააცნო 2018 წლის ბიუჯეტის პროექტი, ის პრიორიტეტები და პროგრამები , რომლის საფუძველზეც მოხდა მომავალი წლის ბიუჯეტის პროექტის დაგეგმვა, ასევე ყურადღება გაამახვილა ხელისუფლების საქმიანობაში მოქალაქეების და საზოგადოების უფრო მეტ ჩართულობაზე და მათ მონაწილეობაზე ბიუჯეტის დაგეგმვაში და მუნიციპალიტეტისათვის სხვა მნიშვნელოვანი საკითხების განხილვაში.

მომავალი წლის ბიუჯეტი 13 202 000 ლარით განისაზღვრა.

საბიუჯეტო და შესყიდვების სამსახურის პირველი რანგის პირველადი სტრუქტურული ერთეულის ხელმძღვანელმა მიხეილ ქოიავამ წევრებს დეტალურად წარუდგინა ჭიათურის მუნიციპალიტეტის ბიუჯეტის პრიორიტეტები და პროგრამები თავისი განმარტებით:

თავდაცვა, საზოგადოებრივი წესრიგი და უსაფრთხოება

საქართველოს შეიარაღებული ძალების საბრძოლო მზადყოფნის ამაღლებისათვის ჭიათურის მუნიციპალიტეტში ხორციელდება წვევამდელთა გაწვევის პუნქტებამდე ტრანსპორტირების უზრუნველყოფა.

ქვეყნის თავდაცვისუნარიანობის ამაღლების ხელშეწყობა

საქართველოს შეიარაღებული ძალების საბრძოლო მზადყოფნის ამაღლებისათვის ჭიათურის მუნიციპალიტეტში ხორციელდება წვევამდელთა გაწვევის პუნქტებამდე ტრანსპორტირების უზრუნველყოფა.

ინფრასტრუქტურის მშენებლობა, რეაბილიტაცია და ექსპლოატაცია -მუნიციპალიტეტის ეკონომიკური განვითარებისათვის მუნიციპალური ინფრასტრუქტურის შემდგომი გაუმჯობესება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში გაგრძელდება საგზაო ინფრასტრუქტურის მშენებლობა-რეაბილიტაცია, ქალაქის საცხოვრებელი უბნების ეზოების, დასასვენებელი პარკების, მაღალსართულიანი საცხოვრებელი კორპუსების კეთილმოწყობა, საყრდენი კედლებისა და გარე განათების ქსელის რეაბილიტაცია. მუნიციპალური ინფრასტრუქტურის მშენებლობისა და რეაბილიტაციის გარდა პრიორიტეტის ფარგლებში განხორციელდება არსებული ინფრასტრუქტურის მოვლა შენახვა და დაფინანსდება მის ექსპლოატაციასთან დაკავშირებული ხარჯები.

საგზაო ინფრასტრუქტურის მშენებლობა-რეაბილიტაცია და მოვლა-შენახვა -

პროგრამის ფარგლებში განხორციელდება მუნიციპალიტეტში არსებული რეაბილიტირებული ცენტრალური გზების მდგომარეობის შენარჩუნება, ახალი/მეორეხარისხოვანი გზების, სასოფლო გზების და შიდასაუბნო გზების რეაბილიტაცია. ასევე განხორციელდება საბაგირო გზის დაფინანსება.

გზების მშენებლობის, რეკონსტრუქციისა და მოვლა-შენახვის ხარჯები

ქვეპროგრამის ფარგლებში დაგეგმილია ჭიათურაში გზების მოასფალტება შემდეგ ქუჩებზე: გაგარინის ქუჩის გზის დარჩენილი მონაკვეთები, გოგებაშვილის ქუჩის N2,8,10, თორღვაშვილის ქ. N2,4,6,8 და 10, ჭანტურიას ქუჩა N4-14 და მეოთხე ბაღთან მისასვლელი, წმ.გერმანეს ქუჩა კერძო სახლებთან, საჭოს ქუჩის დარჩენილი მონაკვეთები, ბელიაშვილის ქუჩის დარჩენილი მონაკვეთები, კოსტავას ქუჩის N27-ის შესახვევი, ჩაჩანიძის ქუჩის ჩიხი კერძო სახლებთან. აგრეთვე დაგეგმილია ჭავჭავაძის ქუჩის ტროტუარის კეთილმოწყობა, რეგიონალური განვითარების ფონდიდან გზების რეაბილიტაციისათვის განსახორციელებელი პროექტების თანადაფინანსება და საგზაო ინფრასტრუქტურის რეაბილიტაციის საპროექტო სამუშაოები, კერძოდ: ქალაქის ტერიტორიაზე საბაგირო სადგურების მიმდებარედ (ტაბიძის, წმ. გიორგის, აღმაშენებლის,თხელიძის და 9 აპრილის ქუჩებზე), ჩაჩანიძის, 9 აპრილის, ლეჟუბნის, ტაბიძის, ჭანტურიას, ერისთავის, აღმაშენებლის, იაშვილის, თხელიძის, ყაზბეგის, მაღაროელთა მოედნის ქუჩების და სოფლების: წინსოფელი ჭილოვანის დამაკავშირებელი გზის, სოფელ ცხრუკვეთის (1200 მ² გზის მობეტონების) და სოფელ ჭილოვანის (მუხების უბნის მისასვლელი).

მილსადენი და სხვა სახის სპეციალური ტრანსპორტი

ვინაიდან ჭიათურა წარმოადგენს მთა-გორიან ადგილს, მოსახლეობის გადაადგილებისათვის მნიშვნელოვან პრიორიტეტს წარმოადგენს საბაგირო გზა.საბაგირო გზის რეაბილიტაციის დასრულებამდე შპს

„ჭიათურბაგირგზები“ უზრუნველყოფს საბაგირო გზის მიმართულებით მოსახლეობის სატრანსპორტო მომსახურებას ავტოტრანსპორტით.

კომუნალური ინფრასტრუქტურის მშენებლობა-რეაბილიტაცია

პროგრამის ფარგლებში განხორციელდება მრავალსართულიანი სახლების კეთილმოწყობა, გარე განათების ქსელის გაფართოება, არსებული გარე განათების ქსელის მოვლა-შენახვა, უზრუნველყოფილი იქნება მუნიციპალიტეტის დასუფთავება და მაწანწალა ცხოველებისგან დაცვა, განხორციელდება საყრდენი კედლის აღდგენა და საბინაო ამხანაგობების დაფინანსება. ზამთრის პერიოდში განხორციელდება გზების ტექნიკური მარილით დამუშავება და ჭარბი თოვლისაგან გაწმენდა.

წყალმომარაგების სისტემის რეაბილიტაცია და ექსპლუატაცია

მოსახლეობის წყალმომარაგებით უზრუნველყოფა მუნიციპალიტეტის ერთ-ერთ ძირითად საზრუნავს წარმოადგენს. ქვეპროგრამის ფარგლებში დაგეგმილია წყალმომარაგების სისტემის რეაბილიტაცია სოფელ ნავარძეთში (სერის უბანი) და სოფელ სკინდორში.

დასუფთავების ღონისძიებები

მუნიციპალიტეტის ერთ-ერთ მთავარ ფუნქციას წარმოადგენს კეთილსაიმედო სანიტარული მდგომარეობის უზრუნველყოფა, შესაბამისად ქვეპროგრამის ფარგლებში გათვალისწინებულია მუნიციპალიტეტის ყოველდღიური დაგვა-დასუფთავება და ნარჩენების გატანა, სანიაღვრე არხების გაწმენდა, სკვერებისა და გარე განათების მოვლა-შენახვა. ასევე მაღალსართულიანი საცხოვრებელი კორპუსების შიდა ბუნკერების და გარე ქსელის ბუნკერების საყოფაცხოვრებო ნარჩენებისგან გათავისუფლება.

ქვეპროგრამის ფარგლებში ზამთრის პერიოდში განხორციელდება გზების ტექნიკური მარილით დამუშავება, ხოლო დიდთოვლიანობის შემთხვევაში გზების თოვლისგან გაწმენდა.

მუნიციპალიტეტში მაწანწალა ცხოველების არსებობა სხვადასხვა ვირუსული დაავადების და ცოფის გავრცელების ძირითად საფრთხეს წარმოადგენს, რისი გათვალისწინებითაც ქვეპროგრამის ფარგლებში განხორციელდება ცხოველების დაჭერა და მათი გადაყვანა სპეციალიზირებულ თავმესაფარში, რითაც უზრუნველყოფილი იქნება მათი რაოდენობის მინიმუმამდე დაყვანა და შესაძლო საფრთხეების თავიდან აცილება. ქვეპროგრამის ფარგლებში დაგეგმილია ა(ა)იპ „ჭიათურის დასუფთავებისა და კეთილმოწყობის სერვისცენტრის“ დაფინანსება.

საყრდენი კედლის მოწყობა

ჭიათურის მთა-გორიანი მდებარეობის გამო მოსახლეთა ტერასული დასახლებიდან გამომდინარე საყრდენი კედლები მნიშვნელოვან როლს ასრულებს საცხოვრებელი თუ ინფრასტრუქტურული ობიექტების შეკავებისათვის. პროგრამის ფარგლებში დაგეგმილია საყრდენი კედლის აღდგენა ალმაშენებლის, წმ. გიორგის და თბილისის ქუჩებზე.

მუნიციპალიტეტის ამხანაგობების განვითარების ხელშეწყობის პროგრამა

ქვეპროგრამის ფარგლებში დაგეგმილია მრავალსართულიანი საცხოვრებელი სახლების ლიფტების აღდგენა ქალაქის ტერიტორიაზე. ვინაიდან აღნიშნული პროგრამის განხორციელება დაკავშირებულია მრავალსართულიანი საცხოვრებელი სახლების ამხანაგობებთან თანადაფინანსების (ლიფტის აღდგენის ღირებულების 10%-ის დაფინანსება უნდა განხორციელდეს მათ მიერ) პრინციპით, აღდება იმ მრავალსართულიანი სახლის ლიფტი, რომელიც აღნიშნულ პირობას დააკმაყოფილებს. აგრეთვე განხორციელდება მრავალსართულიანი საცხოვრებელი სახლებისათვის სახურავი მასალის შეძენა.

გარე განათების აღდგენა

ქვეპროგრამის ფარგლებში დაგეგმილია გარე-განათების მოწყობა ქალაქის ტერიტორიაზე დარჩენილი ქუჩებისა და ჩიხების.

მუნიციპალიტეტის კეთილმოწყობის ღონისძიებები

მუნიციპალიტეტის მცხოვრებთა ჯანსაღი დასასვენებელი გარემოს შექმნა ერთ-ერთ პრიორიტეტს წარმოადგენს. პროგრამის ფარგლებში განხორციელდება მუნიციპალიტეტში არსებული სკვერებისა და პარკების კეთილმოწყობა.

მწვანე ნარგავების განაშენიანება, სკვერების მოვლა-პატრონობა

ქვეპროგრამის ფარგლებში დაგეგმილია ქალაქის ტერიტორიაზე იაშვილისა და ნინოშვილის (ე.წ. სიგულდას პარკი) ქუჩებზე სკვერების რეაბილიტაცია.

განათლება

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად მუნიციპალიტეტის ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება. სკოლამდელი განათლების გარდა პრიორიტეტის ფარგლებში განხორციელდება ისეთი პროგრამების დაფინანსება, რომლებიც ხელს შეუწყობს მოსახლეობის დასაქმებას.

პროგრამის ფარგლებში დაფინანსება გაეწევა საჯარო სკოლის იმ მოსწავლეებს, რომლებმაც ვერ დასძლიეს სასწავლო პროგრამა.

სკოლამდელი განათლება

მუნიციპალიტეტში ამ ეტაპზე ფუნქციონირებს ა(ა)იპ „ჭიათურის მუნიციპალიტეტის გაერთიანებული საბავშვო ბაღი“, რომელიც აერთიანებს 28 საბავშვო ბაღს, სადაც განათლებას იღებს 1650-დე ბავშვი.

პროგრამის ფარგლებში მუნიციპალიტეტი აფინანსებს ბაღების ფუნქციონირებასთან დაკავშირებულ ყველა ხარჯს, მათ შორის მასწავლებელთა და აღმზრდელთა ხელფასებს და ბაღების სხვა მიმდინარე ხარჯებს. ქვეპროგრამის ფარგლებში განხორციელდება ააიპ გაერთიანებული საბავშვო ბაღის N1,2,3,4,7 განყოფილებების ეზოების რეაბილიტაციის საპროექტო სამუშაოები, N6,9,10,11 განყოფილებების და კაცხის განყოფილების შენობის საპროექტო და სარეაბილიტაციო სამუშაოები.

კულტურა, რელიგია ახალგაზრდობის ხელშეწყობა და სპორტი

მუნიციპალიტეტის ინფრასტრუქტურული და ეკონომიკური განვითარებასთან ერთად აუცილებელია ხელი შეეწყოს კულტურული ტრადიციების დაცვას და ღირსეულ გაგრძელებას. ამასთანავე, ერთ-ერთი პრიორიტეტია ახალგაზრდობის მრავალმხრივი (როგორც სულიერი, ისე ფიზიკური თვალსაზრისით) განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, მუნიციპალიტეტი განაგრძობს კულტურული ობიექტების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება. ასევე ახალგაზრდობაში ცხოვრების ჯანსაღი წესის წახალისების მიზნით გატარდება ღონისძიებები.

სპორტის განვითარების ხელშეწყობა

პროგრამის ფარგლებში განხორციელდება სხვადასხვა სპორტული სკოლებისა და კლუბების ფინანსური მხარდაჭერა, რათა მათ ქონდეთ შესაძლებლობა უზრუნველყონ სპორტსმენებისათვის სავარჯიშოდ შესაბამისი პირობების შექმნა და ნიჭიერი სპორტსმენების წახალისება. 2018 წლის განმავლობაში პროგრამის ფარგლებში გაიმართება სხვადასხვა სპორტული შეჯიბრება და დაფინანსდება:

ა) ა(ა)იპ №27 კომპლექსური სასპორტო სკოლა;

ბ) ა(ა)იპ რაგბის სპორტული სკოლა;

გ) ა(ა)იპ ბავშვთა და მოზარდთა საფეხბურთო სკოლა;

სპორტული ობიექტების დაფინანსება

ქვეპროგრამის ფარგლებში დაგეგმილია ა(ა)იპ №27 კომპლექსური სასპორტო სკოლის დაფინანსება რომელიც აერთიანებს ძიუდოს, კრიკის, მინი ფეხბურთის, ტაეკვანდოს, მძლეოსნობის, ცურვის, მაგიდის ჩოგბურთის, კალათბურთის, ფარიკაობის, კლასიკური ჭიდაობის, თავისუფალი ჭიდაობის, ქართული ჭიდაობის და ჭადრაკის სპორტულ წრეებს, სადაც გაერთიანებულია 560 სპორტსმენი. საკუთარი შემოსავალი განისაზღვრება აბონამენტებიდან და ბილეთებიდან (საცურაო აუზი) რომლითაც ძირითადად ფინანსდება ოფისის, სამედიცინო და სხვა ხარჯი.

ქვეპროგრამის ფარგლებში ასევე ფინანსდება რაგბის სპორტული სკოლა, რომელიც აერთიანებს 108 სპორტსმენს. 2016 წლიდან სკოლაში ფუნქციონირებს სპორტული გუნდი, რომელიც მონაწილეობას იღებს რეგიონალურ ჩემპიონატში. ყველა ხარჯს აფინანსებს მუნიციპალიტეტი;

ქვეპროგრამის ფარგლებში ფინანსდება ბავშვთა და მოზარდთა საფეხბურთო სკოლა, სადაც ვარჯიშობს 200-მდე ბავშვი. ყველა ხარჯს აფინანსებს მუნიციპალიტეტი;

ქვეპროგრამის ფარგლებში განხორციელდება ცხაურების მოწყობა ნაგუთის საფეხბურთო მოედანზე და განხორციელდება საცურაო აუზის რეაბილიტაცია (ე.წ. ც.დ.ფ-ს სპორტულ კომპლექსზე).

კულტურის განვითარების ხელშეწყობა

მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება კულტურული ობიექტების ფინანსური მხარდაჭერა, ასევე განხორციელდება სხვადასხვა კულტურული ღონისძიებები, მათ შორის სადღესასწაულო დღეებში სხვადასხვა გასართობი და სანახაობრივი ღონისძიებები. 2018 წლის განმავლობაში პროგრამის ფარგლებში დაფინანსდება:

ა) სსიპ ჭიათურის სასწავლო-საგანმანათლებლო და კულტურულ-შემოქმედებითი ცენტრი,

ბ) ა(ა)იპ №1 მუსიკალური სკოლა, სადაც სწავლობს 317-მდე მოსწავლე;

გ) ა(ა)იპ №2 მუსიკალური სკოლა, სადაც სწავლობს 193-მდე მოსწავლე;

დ) ა(ა)იპ სამხატვრო სკოლა. სადაც სწავლობს 35-მდე მოსწავლე;

ე) ა(ა)იპ ცენტრალური ბიბლიოთეკა;

კულტურის ობიექტების დაფინანსება

ქვეპროგრამის ფარგლებში გათვალისწინებულია №1 და №2 სამუსიკო სკოლების დაფინანსება, სადაც მუსიკალურ განათლებას იღებს 510 ბავშვი, აქედან: სოციალურად დაუცველი ოჯახის ბავშვები 151 მოსწავლე, ლაურეატი 103 მოსწავლე, მრავალშვილიანი 56 მოსწავლე, ობოლი 20 მოსწავლე, ლტოლვილი 14 მოსწავლე და ესტრადისა და ფოლკლორის 54 მოსწავლე განთავსებულია არიან სწავლის ქირის გადასახადისგან. სწავლის გადასახადი ერთ ბავშვზე შეადგენს 15 ლარს თვეში. გადასახდის იხდის 112 მოსწავლე. სწავლის საფასური შეადგენს 15 ლარს. საკუთარი სახსრებით ნაწილობრივ ფინანსდება ხელფასი, ოფისის და სხვა ხარჯები. სუბსიდიით ფინანსდება ხელფასები და სხვა მიმდინარე ხარჯი.

ქვეპროგრამის ფარგლებში ფინანსდება ა(ა)იპ სამხატვრო სკოლა, სადაც სამხატვრო განათლებას იღებს 35 ბავშვი.

ქვეპროგრამის ფარგლებში მუნიციპალიტეტის ბიუჯეტიდან მთლიანად ფინანსდება ააიპ ცენტრალური ბიბლიოთეკა, რომელიც მოიცავს 23 ბიბლიოთეკას.

ქვეპროგრამის ფარგლებში ფინანსდება ჭიათურის სასწავლო-საგანმანათლებლო და კულტურულ-შემოქმედებითი ცენტრი, რომელიც აერთიანებს სამუსიკო და საცეკვაო წრეებს, მხარეთმცოდნეობის მუზეუმს,

მდგრადი გუნდებს. ცენტრის საკუთარი სახსრებით ფინანსდება ხელფასი და ოფისის ხარჯები. პუბლიკაციით ფინანსდება ხელფასის, ოფისის და სხვა მიმდინარე ხარჯი.

ქვეპროგრამის ფარგლებში განხორციელდება N1 და N2 სამუსიკო სკოლების შიდა სარემონტო სამუშაოები, აგრეთვე განხორციელდება კულტურის სახლის ფასადის რეაბილიტაცია.

ახალგაზრდული პროგრამების დაფინანსება

პროგრამის ფარგლებში დაფინანსდება სხვადასხვა ღონისძიებები, რომლებიც ხელს შეუწყობს ახალგაზრდა თაობის მეტ ჩართულობას მუნიციპალიტეტის ყოველდღიურ საქმიანობასა და მის განვითარებაში. პროგრამის ფარგლებში დაფინანსდება საქართველოს ღირსშესანიშნაობებისა და ისტორიული ძეგლების დასათვალიერებლად მგზავრობის ხარჯები, ინტელექტუალურ-შემოქმედებითი ღონისძიებები, დასვენება გამაჯანსაღებელ ბანაკებში, წარმატებულ სპორტსმენთა დაჯილდოება, წარმატებული ახალგაზრდების დაფინანსება, წარმატებულ სპორტსმენთა მწვრთნელების დაჯილდოება, რეგიონალური და მუნიციპალური ტურნირებში მონაწილე გუნდების და ინდივიდუალურად გამარჯვებული სპორტსმენების დაჯილდოება, ოქროსა და ვერცხლის მედალოსანთა დაჯილდოება, ახალგაზრდული ინიციატივების დაფინანსება, საქართველოს კუთხეების ღირსშესანიშნაობების დათვალიერება.

რელიგიური ორგანიზაციების ხელშეწყობა

პროგრამის ფარგლებში განხორციელდება მუნიციპალიტეტის ტერიტორიაზე არსებული ეკლესია მონასტრების ფინანსური მხარდაჭერა, ასევე ზოგიერთ ტაძარსა და მის მიმდებარე ტერიტორიაზე განხორციელდება მცირე სარეაბილიტაციო სამუშაოები.

მოსახლეობის ჯანმრთელობის დაცვა და სოციალური უზრუნველყოფა

მოსახლეობის ჯანმრთელობის დაცვის ხელშეწყობა და მათი სოციალური დაცვა მუნიციპალიტეტის ერთ-ერთ მთავარ პრიორიტეტს წარმოადგენს. მუნიციპალიტეტი არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებით და შეღავათების უზრუნველყოფას. ერთიანი სახელმწიფო პოლიტიკის ფარგლებში გაგრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ მუნიციპალიტეტის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

ჯანდაცვის პროგრამები

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, აღნიშნულ ფარგლებში დაფინანსდება საზოგადოებრივი ჯანდაცვის სამსახური, კერძოდ:

- ა) არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება;
- ბ) დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება;
- გ) მუნიციპალიტეტის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;
- დ) სადერატიზაციო სამუშაოების ჩატარება საცხოვრებელი სახლების სარდაფებსა და ბუნკერებში (კერძო სექტორის გარდა) და ამის საფუძველზე ქალაქში ეპიდსიტუაციის გაუმჯობესება;
- ე) ჯანმრთელობისათვის მნიშვნელოვანი ინფექციური და არაგადამდები დაავადებებისა და მასობრივი მოშამებების, აგრეთვე პროფესიული დაავადებების თავიდან აცილება;
- ვ) მუნიციპალიტეტში არსებული სანიტარულ-ჰიგიენური მგომარეობის მონიტორინგი, მოსახლეობისათვის ჯანსაღი გარემოს შექმნის ხელშეწყობის მიზნით მუნიციპალიტეტის დასახლებულ ტერიტორიებზე ადამიანისათვის საშიში და შხამიანი ცხოველების ცხოველმყოფელობის დადგენისა და გაუვნებელყოფის ღონისძიებები.

საზოგადოებრივი ჯანმრთელობის დაცვა

ქვეპროგრამა ითვალისწინებს ა(ა)იპ „საზოგადოებრივი ჯანდაცვის ჭიათურის მუნიციპალური სამსახურის“ დაფინანსებას.

მოსახლეობის სოციალური უზრუნველყოფა

პროგრამა ითვალისწინებს მუნიციპალიტეტის ტერიტორიაზე მცხოვრები მოსახლეობის სხვადასხვა ფენებისათვის სოციალური დახმარებებით უზრუნველყოფას, სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯების ანაზღაურებას, მოხუცებულთა, მიუსაფართა და სოციალურად დაუცველთა კვებით დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას, დევნილთა და ტერიტორიული მთლიანობისათვის დაღუპულთა ოჯახების დახმარებას, სტიქიის შედეგად დაზარალებულთა დახმარებას და სხვა სოციალურ ღონისძიებებს, რომლებიც მთლიანობაში უზრუნველყოფენ მუნიციპალიტეტის მოსახლეობის სოციალური მდგომარეობის გაუმჯობესებას.

მუნიციპალიტეტის ბიუჯეტიდან ფინანსდება შემდეგი სოციალური პროგრამები:

ა) ავადმყოფთა სოციალური დაცვა (1423-1523 ბენეფიციარი);

ა.ა) სამკურნალო და საოპერაციო ხარჯების დაფინანსება (დაახლოებით 900-1000 ბენეფიციარი);

ა.ბ) ჰემოდიალიზსა და მუდმივ ჩანაცვლებით მკურნალობას დაქვემდებარებულ პირთა დახმარება (დაახლოებით 33 ბენეფიციარი);

ა.გ) შეზღუდული შესაძლებლობების მქონე პირთა დახმარება (დაახლოებით 470 ბენეფიციარი);

- ბანდაზმულთა დახმარება (დაახლოებით 26 ბენეფიციარი);
- გ) ომის ვეტერანის სარიტუალო მომსახურება(დაახლოებით 10-15 ბენეფიციარი);
- დ) ოჯახებისა და ბავშვების სოციალური დაცვა (დაახლოებით 1230-1380 ბენეფიციარი);
- ე) სტიქიური მოვლენების შედეგად დაზარალებულთა დახმარება (დაახლოებით 20-30 ბენეფიციარი);
- ვ) დევნილთა სოციალური დაცვა (დაახლოებით 110 ბენეფიციარი);
- ზ) ტერიტორიული მთლიანობისათვის დაღუპულთა ოჯახების დახმარება(დაახლოებით 30 ბენეფიციარი);
- თ) ომის ვეტერანთა დახმარება (დაახლოებით 300 ბენეფიციარი);
- ი) მარჩენალდაკარგულ პირთა დახმარება (დაახლოებით 300 ბენეფიციარი);
- კ) მრავალსართულიან საცხოვრებელ სახლებში მცხოვრებ ოჯახთა დახმარება (დაახლოებით 14 ბენეფიციარი);
- ლ) უმწეო და მიუსაფარ ადამიანთა უფასო სასადილოთი მომსახურება (დაახლოებით 165 ბენეფიციარი);

ავადმყოფთა სოციალური დაცვა

1. მუნიციპალიტეტის ბიუჯეტიდან ანაზღაურდება შემდეგი სახის სამედიცინო მომსახურების ხარჯები:
 - ა) გადაუდებელი და გეგმიური სტაციონარული სამედიცინო მომსახურების ხარჯები, რომელთა ფინანსურ უზრუნველყოფას არ ითვალისწინებს მოქმედი საყოველთაო სახელმწიფო სადაზღვევო პროგრამა, ჯანმრთელობის დაცვის სხვა სახელმწიფო პროგრამები და კერძო სამედიცინო სადაზღვევო კომპანიების მოქმედი პროგრამები. დაფინანსება მუნიციპალიტეტის მხრიდან განხორციელდება ბენეფიციარის მიერ გადასახდელი თანხის 40%-ით, წლის განმავლობაში არაუმეტეს 2500 ლარის ოდენობით;
 - ბ) ექიმის დანიშნულების მიხედვით სამედიცინო ლაბორატორიულ-ინსტრუმენტალური გამოკვლევების, მათ შორის მაღალტექნოლოგიური კვლევის ხარჯები. ასევე დაფინანსდება იმ ექიმი სპეციალისტის კონსულტაცია, რომელიც აუცილებელია კონკრეტული ლაბორატორიულ-ინსტრუმენტალური თუ მაღალტექნოლოგიური კვლევის განხორციელების პროცესში. დაფინანსება მუნიციპალიტეტის მხრიდან განხორციელდება ბენეფიციარის მიერ გადასახდელი თანხის 50%-ით, წლის განმავლობაში არაუმეტეს 500 ლარის ოდენობით;
 - გ) ამბულატორიულ ან/და სტაციონარულ დონეზე ჩასატარებელი გეგმიური სამედიცინო სამკურნალო/სარეაბილიტაციო პროცედურების ხარჯები, მხოლოდ ნერვ-კუნთოვანი დაზიანების მქონე პაციენტებისათვის 0-დან 14 წლამდე, ხოლო მოზრდილებისათვის მძიმე ფორმის შეძენილი ნერვ-კუნთოვანი დაავადების ან/და ტრავმის შედეგად განვითარებული ნერვ-კუნთოვანი დაზიანების შემთხვევაში. დაფინანსება მუნიციპალიტეტის მხრიდან განხორციელდება ბენეფიციარის მიერ გადასახდელი თანხის 40%-ით, წლის განმავლობაში არაუმეტეს 2500 ლარის ოდენობით;
 - დ) ონკოლოგიურ ავადმყოფთა ამბულატორიულ-სტაციონარული მკურნალობა, კერძოდ: ქიმიოთერაპია, ჰორმონოთერაპია, სხივური თერაპია, რომელთა ფინანსურ უზრუნველყოფას არ ითვალისწინებს მოქმედი საყოველთაო სახელმწიფო სადაზღვევო პროგრამა, ჯანმრთელობის დაცვის სხვა სახელმწიფო პროგრამები და კერძო სამედიცინო სადაზღვევო კომპანიების მოქმედი პროგრამები. დაფინანსება მუნიციპალიტეტის მხრიდან განხორციელდება ბენეფიციარის მიერ გადასახდელი თანხის 40%-ით, წლის განმავლობაში არაუმეტეს 2500 ლარის ოდენობით;
 - ე) მშობიარობის, გართულებული მშობიარობისა და სამედიცინო ჩვენებით საკეისრო კვეთის დამატებითი ხარჯი, რომელიც არ ანაზღაურდება მოქმედი სახელმწიფო და კერძო სამედიცინო სადაზღვევო პროგრამების ფარგლებში. დაფინანსება მუნიციპალიტეტის მხრიდან განხორციელდება ბენეფიციარის მიერ გადასახდელი თანხის 40%-ით, წლის განმავლობაში არაუმეტეს 2500 ლარის ოდენობით;
2. დახმარების მიმღებია ჭიათურის მუნიციპალიტეტის ტერიტორიაზე რეგისტრირებული მოქალაქე.
3. ჰემოდიალიზსა და მუდმივ ჩანაცვლებით მკურნალობას დაქვემდებარებულ პირთა დახმარება, გაიცემა ყოველთვიურად 120 ლარის ოდენობით თითოეულ ბენეფიციარზე. აღნიშნული დახმარებით სარგებლობენ ჭიათურის მუნიციპალიტეტის ტერიტორიაზე რეგისტრირებული და ამავე დროს ფაქტობრივად მცხოვრები პირები, რომლებიც დაავადებულნი არიან თირკმლის ტერმინალური უკმარისობით და წარმოადგენენ ჰემოდიალიზის სახელმწიფო პროგრამის ბენეფიციარებს.
4. მუნიციპალიტეტის ბიუჯეტიდან სოციალური დახმარება მიეცემა:
 - ა) ჭიათურის მუნიციპალიტეტის ტერიტორიაზე რეგისტრირებულ მკვეთრად შეზღუდული შესაძლებლობის მქონე პირებს, კომუნალური გადასახადების გადახდის უზრუნველსაყოფად. აღნიშნულ ბენეფიციართა კატეგორიას დახმარება მიეცემა სეზონის მიხედვით: 01 ნოემბრიდან 01 მაისამდე - ყოველთვიურად 30 ლარის ოდენობით; 01 მაისიდან 01 ნოემბრამდე - ყოველთვიურად 20 ლარის ოდენობით.
 - ბ) ჭიათურის მუნიციპალიტეტის ტერიტორიაზე რეგისტრირებულ მკვეთრად შეზღუდული შესაძლებლობის მქონე პირებს. აღნიშნულ ბენეფიციართა კატეგორიას დახმარება მიეცემა წლის განმავლობაში ერთჯერადად - 100 ლარის ოდენობით,
 - გ) ჭიათურის მუნიციპალიტეტის ტერიტორიაზე რეგისტრირებულ „სოციალურად დაუცველი ოჯახების სოციალურ-ეკონომიკური მდგომარეობის შეფასების წესის დამტკიცების თაობაზე“ საქართველოს შრომის, ჯანმრთელობისა და სოციალური დაცვის მინისტრის 2010 წლის 20 მაისის №141/ნ ბრძანებით განსაზღვრულ სიცოცხლისათვის საშიშ და „2016 წლის ჯანმრთელობის დაცვის სახელმწიფო პროგრამების დამტკიცების შესახებ“ საქართველოს მთავრობის 2015 წლის 30 დეკემბრის №660 დადგენილების დანართი 17.2-ით განსაზღვრულ იშვიათი დაავადების მქონე მოქალაქეებს. აღნიშნულ ბენეფიციართა კატეგორიას დახმარება მიეცემა წლის განმავლობაში ერთჯერადად 150 ლარის ოდენობით, მხოლოდ დაავადების პირველი ტიპის მქონე პაციენტებს. სიცოცხლისათვის საშიში დაავადების მქონე პაციენტების სარეიტინგო ქულა უნდა არემატებოდეს 120000 ქულას.

ჭიათურის მუნიციპალიტეტის ტერიტორიაზე რეგისტრირებულ, რადიკტიური ნივთიერების შემოქმედების შედეგად დაავადებულ, შეზღუდული შესაძლებლობის სტატუსის მქონე პირებს. აღნიშნულ ბენეფიციართა კატეგორიას დახმარება მიეცემა წლის განმავლობაში ერთჯერადად 100 ლარის ოდენობით.

ვეტერანთა დაკრძალვის ხარჯი

ქვეპროგრამის ფარგლებში გათვალისწინებულია საქართველოს ტერიტორიული მთლიანობისათვის, ავღანეთის ომის და მეორე მსოფლიო ომის მებრძოლთა დაღუპვის შემთხვევაში სარიტუალო მომსახურებისათვის დახმარების გაწევა. თანხის ოდენობა შეადგენს 250 ლარს.

უფასო სასაფლაო

ქვეპროგრამის ფარგლებში გათვალისწინებულია სოციალურად დაუცველი, ფიზიკური ან/და გონებრივი შეზღუდვის მქონე პირების და მარტოხელა პირების (რომელთა ყოველთვიური შემოსავალი სახელმწიფოს მიერ დადგენილ საარსებო მინიმუმზე ნაკლებია და რომელსაც არ აქვს სასოფლო-სამეურნეო დანიშნულების მიწა და სოფლის შინამეურნეობისაგან შემოსავალი) კვებით უზრუნველყოფა. მომსახურება გაეწევა 165 ბენეფიციარს.

მოსახლეობის სოციალური დაცვა

1. დევნილთა სოციალური დაცვა;

ქვეპროგრამის ფარგლებში გათვალისწინებული დახმარება გაეწევა დევნილებს.

აფხაზეთისა და სამაჩაბლოს ომის შედეგად იძულებით გადაადგილებული პირებს დახმარება გაეწევა ერთჯერადად, თანხის მაქსიმალური ოდენობა შეადგენს 100 ლარს.

2. ტერიტორიული მთლიანობისათვის დაღუპულთა ოჯახების დახმარება;

ქვეპროგრამის ფარგლებში დახმარება გაეწევათ საქართველოს თავისუფლებისა და ტერიტორიული მთლიანობისათვის ბრძოლაში დაღუპულ მებრძოლთა და ომის შემდეგ გარდაცვლილთა ოჯახებს, დახმარება გაიცემა ერთჯერადად, თანხის მაქსიმალური ოდენობა შეადგენს 200 ლარს.

3. მარჩენალდაკარგულთა დახმარება;

ქვეპროგრამის ფარგლებში დახმარება მიეცემა მარჩენალდაკარგულ პირს(ერთ-ერთი ან ორივე გარდაცვლილი მშობლის შვილს (შვილებს) 18 წლის ასაკის მიღწევამდე). წლის განმავლობაში ერთჯერ 100 ლარის ოდენობით.

4. ხანდაზმულთა დახმარება;

ქვეპროგრამის ფარგლებში დახმარება მიეცემათ ხანდაზმულებს (95 წელი და ზევით) ერთჯერადად წელიწადში 500 ლარის ოდენობით.

ოჯახების და ბავშვების სოციალური დაცვა

1. მუნიციპალიტეტის ბიუჯეტიდან გაიცემა შემდეგი სახის დახმარება:

ა) პირველი და მეორე შვილის დაბადებისას - 100 ლარი

ბ) მესამე შვილის დაბადებისას - 150 ლარი

გ) მეოთხე და შემდგომი შვილის დაბადებისას - 200 ლარი

მუნიციპალიტეტში მცხოვრებ მრავალშვილიან ოჯახებზე (4 და მეტი შვილი) გაიცემა ერთჯერადი დახმარება 18 წლამდე ასაკის თითოეულ ბავშვზე 50 ლარის ოდენობით, ხოლო ბავშვს, რომელიც აგრძელებს სწავლას უმაღლეს ან პროფესიულ სასწავლებელში დახმარების მიცემა გაუგრძელდება 22 წლამდე.

2. მუნიციპალიტეტის ბიუჯეტიდან სოციალური დახმარება მიეცემა ჭიათურის მუნიციპალიტეტის ტერიტორიაზე ფაქტობრივად მცხოვრებ შემდეგ ოჯახებს:

ა) შემოსავლის გარეშე მყოფ მარტოხელა მშობელს ან მეურვე/მზრუნველს, რომლებსაც ჰყავთ არასრულწლოვანი შვილი (შვილები);

ბ) შემოსავლის გარეშე მყოფ არასაპენსიო ასაკის მარტოხელა პირებს, რომელსაც არ ჰყავს მეუღლე და შვილები;

გ) შემოსავლის გარეშე მყოფ უსახლკარო ოჯახებს, რომელთაც არ გააჩნიათ ალტერნატიული საცხოვრებელი ფართი;

დ) შემოსავლის გარეშე მყოფ, უკიდურესად შეჭირვებულ ოჯახებს, რომლებსაც ჰყავთ არასრულწლოვანი ბავშვი (ბავშვები);

ბენეფიციარებს დახმარება მიეცემა წლის განმავლობაში ერთჯერადად 150 ლარის ოდენობით.

ე) მუნიციპალიტეტის ბიუჯეტიდან გაიცემა დახმარება მუნიციპალიტეტის ტერიტორიაზე მდებარე იმ მრავალსართულიან საცხოვრებელ სახლებში მცხოვრებ ოჯახებზე, რომელთა ბინის ტექნიკური მდგომარეობა არაადამაკმაყოფილებელია და საფრთხის შემცველია ადამიანის ჯანმრთელობისათვის დასიცოცხლისათვის.

დახმარება გაიცემა საცხოვრებელი უზრუნველსაყოფად, განმცხადებლის მიერ წარმოდგენილ საბანკო ანგარიშზე უნაღდო ანგარიშსწორებით, ყოველტვიურად დროებითი გამოსახლების დღიდან პრობლემის აღმოფხვრისათვის საჭირო შესაბამისი ქმედითი ღონისძიებების განხორციელებამდე, შემდეგი სახით:

ა) ერთ და ორ სულიან ოჯახებზე - 100 ლარის ოდენობით;

ბ) სამ და ოთხ სულიან ოჯახებზე - 150 ლარის ოდენობით;

გ) ხუთ და მეტსულიან ოჯახებზე - 200 ლარის ოდენობით;

სტიქიური უბედურების შედეგად მიყენებული ზიანის ხარჯი ქვეპროგრამის ფარგლებში გათვალისწინებული დახმარება გაიცემა სტიქიური მოვლენების და სხვა დაუძლეველი ძალის შედეგად დაზარალებული მოსახლეობის სოციალური დაცვისათვის, რომელსაც დაუზიანდა საცხოვრებელი სახლი ან/და სხვა დამხმარე შენობა-ნაგებობა ან რომელმაც მიიღო ჯანმრთელობის მძიმე დაზიანება, ხოლო მოქალაქის გარდაცვალების შემთხვევაში - გარდაცვლილის ოჯახი. საცხოვრებელი სახლის დაზიანების შემთხვევაში დახმარების მაქსიმალური ოდენობა შეადგენს 5000 ლარს. დამხმარე შენობა-ნაგებობის შემთხვევაში დაზიანების შემთხვევაში დახმარების მაქსიმალური ოდენობა შეადგენს 1000 ლარს.

ის ვეტერანთა დახმარება

ქვეპროგრამის ფარგლებში გათვალისწინებული დახმარება ერთჯერადად მიეცემა მეორე მსოფლიო ომის მონაწილეებს 500 ლარის ოდენობით. ავღანეთის ომის მონაწილეებს, საქართველოს თავისუფლებისა და ტერიტორიული მთლიანობისათვის მებრძოლებს დახმარება გაეწევათ ერთჯერადად; თანხის მაქსიმალური ოდენობა შეადგენს 200 ლარს.

ინფრასტრუქტურულ პროექტებზე როლის განხორციელებაც ჩადებულია 2018 წლის ბიუჯეტში, ასევე მომხსენებელთან ერთად ინფორმაცია გააკეთა ლაშა გოცაძემ-ინფრასტრუქტურისა და ტერიტორიის კეთილმოწყობის სამსახურის პირველი რანგის პირველადი სტრუქტურული ერთეულის ხელმძღვანელმა.

ინფრასტრუქტურულ პროგრამებთან დაკავშირებით მუნიციპალიტეტის მერმა პაატა ნადირაძემ, რადგან უფლებამოსილების შესრულებას 13 ნოემბერიდან შეუდგა მისცა დავალება ინფრასტრუქტურის სამსახურის ხელმძღვანელს წარსადგენ ბიუჯეტში ჩასმული იქნას სოფელ ქვაცხის ბიბლიოთეკის რეაბილიტაციაზე. ასევე თანხა ერთი გამართა მემორიალის აღდგენაზე, რომელიც ყველა მემორიალს გააერთიანებს, ასევე წარმატებული სტუდენტების დაჯილდოების დებულებაში შეტანილი იქნას ცვლილება სამსახურის მიერ, შესაბამის ქულებთან ერთად განისაზღვროს რა კატეგორიას უნდა აკმაყოფილებდეს სტუდენტი (სოციალურად დაუცველი თუ სხვა კატეგორია).

საბჭოს ლაშა გოცაძემ-ინფრასტრუქტურისა და ტერიტორიის კეთილმოწყობის სამსახურის პირველი რანგის პირველადი სტრუქტურული ერთეულის ხელმძღვანელმა ვრცლად მოახსენა ადგილობრივი ბიუჯეტიდან განსახორციელებელ პროექტებზე და ასევე სახელმწიფოს მიერ დასაფინანსებელ პროექტებზე

აზრი გამოთქვას :

მერაბ ჩინჩალაძემ, მარინა ბედინაშვილმა გიორგი ნიკოლაძემ, დავით ბიწაძემ, ნანული წერეთელმა, არჩილ ხვედელიძემ.

მერაბ ჩინჩალაძემ -მოიწონა ბიუჯეტის პროექტი, მაგრამ უფრო დეტალური გაცნობისათვის გამოთქვა შენიშვნა, რომ კარგი იქნება თუ მომავალი წლის ბიუჯეტის პროექტი საბჭოს წევრებს გარკვეულ პერიოდით ადრე გადაეცემათ გასაცნობად; ასევე კარგი იქნება თანხის არსებობის შემთხვევაში სოფელ ითხვისის წყალმომარაგების საკითხიც.

მარინა ბედინაშვილმა გამოთქვა მოსაზრება-

-თანხის არსებობის შემთხვევაში საკრებულოში ბიუჯეტის წარდგენამდე ბიუჯეტში ჩასმული იქნას თანხა აბაშიძის ქუჩაზე დაზიანებული წყლის მილების აღდგენაზე, რადგან დაღვრილი წყალი აზიანებს ცენტრალურ გზას.

-ბავშვებისათვის ქალაქის ტერიტორიაზე კარუსელების და ატრაქციონების გაკეთება, რომელიც ძალიან გაახარებს ბავშვებს, ამის მაგალითია სახალხო დღესასწაული „ჭიათურობა 2017-ის დროს ჩამოტანილი დროებითი ატრაქციონები.

ასევე მარინა ბედინაშვილის მიერ დასმული იქნა სსიპ ჭიათურის N1 საჯარო სკოლის რეაბილიტაციის დაფინანსების საკითხი, რაზედაც რესურსცენტრის ხელმძღვანელის ნუგზარ მიროტაძის მიერ გაცემულ იქნა პასუხი დაფინანსების შესახებ.

საბჭოზე დავით ბიწაძის მიერ დაყენებული იქნა მუნიციპალიტეტის ამბულატორიების საკითხი და შენობის ინფრასტრუქტურის (გადახურვა, იატაკი და სხვა) მოწესრიგება და მერს წარუდგინა წინადადება შეისწავლოს ამბულატორიების საკითხი, რადგან ჭიათურის მუნიციპალიტეტი არის ერთად-ერთი მუნიციპალიტეტი რომელსაც ბალანსზე გადაეცა ამბულატორიები. საკითხიდან გამომდინარე დავალება მიეცა გიორგი ბიწაძეს, დასმულ საკითხზე მოამზადოს წერილები სამთავრობო სტრუქტურებში გასაგზავნად. საკითხის აქტუალობიდან გამომდინარე ლაშა გოცაძემ განუცხადა საჭოს, რომ არის საშუალება ბიუჯეტში მომზადებული იქნება ნიგოზეთის და კაცხის ამბულატორიების შენობების სრული რეაბილიტაციის პროექტი.

სამოქალაქო მრჩევეთა საბჭოს გადაწყვეტილება:

განსახილველად წარმოდგენილი 2018 წლის ბიუჯეტის პროექტი და წარმოდგენილი პრიორიტეტები საბჭოს წევრების მიერ მოწონებული იქნას და მუნიციპალიტეტის მერს მიეცეს რეკომენდაცია საკრებულოში განსახილველად წარდგენაზე.

საბჭოზე მერი ესაუბრა წევრებს და გააცნო პრიორიტეტები, რომელსაც პირველ რიგში განახორციელებს ესენია:

ცენტრალური და საუბნო გზების სრული რეაბილიტაცია

მუნიციპალიტეტში გაზიფიცირების დასრულება

ჭიათურის წყალმომარაგების პროექტის დასრულება მითითებულ ვადაში

სტადიონის აღდგენა, ასევე სკოლების ბალანსზე გადმოცემის შემთხვევაში თანხის მიმართვა აღდგენაზე

მანგანუმის გამწმენდი ქარხნის დროული აშენება

გამგებელმა მადლობა გადაუხადა საბჭოს წევრებს იმისათვის, რომ აქტიურად ჩართვენ ბიუჯეტის და მიმდინარე საკითხების განხილვაში.

განხილულ საკითხებზე საბჭომ გამოთქვა კმაყოფილება, რომ აქვთ საშუალება მონაწილეობა მიიღონ მუნიციპალიტეტის მართვის პროცესში.

სხდომის თავმჯდომარე /გ.ნიკოლაძე/

სხდომის წევრი /მ. ბედინაშვილი/

სხდომის წევრი /დ. ბიწაძე/

სხდომის წევრი /მ.ჩინჩალაძე/

სხდომის წევრი /ა.ხვედელიძე/

სხდომის წევრი /ნ.წერეთელი/